

# COMUNU DE USEDDUS

Provìntzia de Aristanis

## DELÌBERA DE SA GIUNTA COMUNALI

Numeru 6 de su 02/02/2007

*OGETU: Cuntzessioni po boddiri perdamini ne is terrenus comunali – Diretivas a su Responsàbili de su serbitziu.*

S'annu duamìaseti sa dì dus de su mesi de friarxiu, a s'ora de sa una e mesu de mangianu, in custa domu comunali, cunvocada informalmenti, s'est atobiada a pari sa Giunta Comunali cun sa presentzia de is Sannoris :

ATZEI ADRIANO	SÌNDIGU	P
ATZORI FELICE	VICESÌNDIGU	P
SERRA MONICA	ASSESSORI	P
ERBI' CESARE	ASSESSORI	P
ADDARI GIOVANNI	ASSESSORI	A

Inde risultant presentis n°4 e ausentis n°1

Pigat sa presidèntzia s'Avv. ATZEI ADRIANO in calidadi de SÌNDIGU.

Partizipat cun funtzionis consultivas, refèrentis, de assistentzia e verbalizatzioni (art.97, comma 4, de su D.Lgs. n°267/2000) sa Segretària SCALA dott.ssa MARIA BONARIA.

Su presidenti, atzertau su numeru legali, decrarat aberta sa chistioni de s'argòmentu in ogetu, regulàrmenti iscritu in s'ordini de sa dì, e invitat is benius a pari a deliberai asuba s'argòmentu ingitau in s'ogetu, ponendi innantis ca, asuba sa pròposta de custa decraratzioni, anti nau ca giai:

su Responsàbili de su serbitziu interèssau (art. 49, c.1, de su T.U. n°267/2000)

sa Segretària Comunali (artt.49, c.2 e 97, c.4b, de su T.U. n°267/2000) po sa regularidadi tècnica.

## SA GIUNTA COMUNALI

CUNSIDERAU ca unus cantu tzitadinus ant pregontau de poidi boddiri perdamini locali chi ddu est ne is terrenus de proprietadi comunali, postus in localidadi “Cerobeddai” e “Erbas Fenosas”, Useddus;

CUNSIDERAU ca:

- cun delibera de sa G.C. n°34 de su 04.04.2002, su Comunu donada in cuntzessioni su boddiri perdamini ne is terrenus comunalis in localidadi “Cerobeddai” e “Erbas Fenosas”, in cambi u a su pagamentu de su tanti pretziu in €0,5 po metru quadrau;
- custu pretziu resultat de cambiai in cantu non raportau a su balori de immoi de su perdamini de usai ai finis edilitzius;

BIDA sa relatzioni de su responsàbili de s’U.T.C. innui resultat ca:

- su pretziu mesanu de immoi po sa compera de perdamini de su tipu “basaltu”, usau, pagu tempus fait dae su Comunu po fai unus cantu arrangiamentus de is marciapais e logus pùblicus, est steti de €20,00 a su metru quadrau;
- ca s’eventuali boddidura de perdamini locali chi si poidit procurai ne is terrenus comunalis, no poidit chi melliorai is proprius terreus, cun de seguru bantagiu po s’Amministratzioni Comunali;
- po su perdamini ogetu de pregonta de boddidura, tratendisidda de perdamini locali procurau ne is terrenus comunalis po poidit essi usaus po iscopus edilitzius, su pretziu mesanu poidit essi valutau giai €10,00/15,00 a su mc.

CRETIU po tanti, su depi istabiliri sa possibilidadi de boddidura de perdamini ne is localidadi comunalis nadas asuba e in su cuntempus a indi ddus pretziai ispecifichendi ca:

LOGU DE BODDIDURA: localidadi “Cerobeddai” e “Erbas Fenosas”,

COSTU: €10,00 a su mc,

CANTIDADI: no prus de n°4 mc a personi;

CONDITZIONIS DE BODDIDURA:

- 1) sa boddidura depit essi fata deretamenti dae is tzitadinus residentis, a propria cura e ispesa, a manu e chena agiudu de metzus mechanicus ;
- 2) depit essi garantiu s’allichidu de is logus innui est stetia fata sa boddidura ;

Tentu su nai ca giai segundu s’art. 49 TUEL de su Responsabili de s’Ufitziu Finantziariu

TOTUS IN PARI

## DELÌBERAT

Totu cussu nau innantis fai parti intera de custu deliberau ;

DE CUNTZEDI ai tzitadinus residentis in Useddus sa boddidura de perdamini ne is localidadi comunalis asuta elencaus e indi ddus pretziai, ispecifichendi ca:

LOGU DE BODDIDURA: localidadi “Cerobeddei” e “Erbas Fenosas”,

COSTU: €10,00 a su mc,

CANTIDADI: no prus de n°4 mc a personi;

CONDITZIONIS DE BODDIDURA:

- 3) sa boddidura depit essi fata deretamenti dae is tzitadinus residentis, a propria cura e ispessa, a manu e chena agiudu de metzus mechanicus ;
- 4) depit essi garantiu s'allichidu de is logus innui est stetia fata sa boddidura ;

DE donai diretivas a su Responsabili de s'UTC.

BIU S'ACOITU, cun votatzioni fata a parti, totus in pari, benit decrarada sa presenti luegu eseguibili segundu s'art.134, c 4 de su D.Lgs 18/08/2000 n°267.

Custu Verbali benit firmau cumentu sighit:

Su Sìndigu at firmau  
(*Abog.ATZEI ADRIANO*)

Sa Segretària at firmau  
(*SCALA Dott.ssa MARIA BONARIA*)

---

Su sutoscritu, bius is atus d'ufitziu  
Reg. N°80

ATESTAT

Ca custa delibera est stetia apicada a s'Albu Pretoriu Comunali sa dì 12.02. de su 2007 po ddui abarrai quindixi diis a fatu e pari (art.124, c1 de su T.U. 18/08/2000, n°267)

De sa Residèntzia Comunali, innia 12.02.2007

Sa Segretària Comunali at firmau  
(*SCALA Dott.ssa MARIA BONARIA*)

---

Su sutoscritu, bius is atus d'Ufitziu

ATESTAT

Custa delibera est diventada esecutiva su..... segundu s'art.....  
De su T.U. 267/2000

De sa Residèntzia Comunali, innia .....

Sa Segretària Comunali  
(*SCALA Dott.ssa MARIA BONARIA*)

---

De potai a:

- s'Ufitziu Tènicu
- s'Ufitziu Amministrativu
- s'Ufitziu Cuntabili
- s'Ufitziu Vigilanza
- s'Ufitziu Serbìtziu Sotziali
- .....
- .....
- R.A.S.

De sa Residèntzia Comunali, innia .....

Sa Segretària Comunali at firmau  
(*SCALA Dott.ssa MARIA BONARIA*)